

Bahmaj:

Nungzminzgunggh Gungzhoj Naengh Gauhdez Maranz Mbouj Aeu Cienz

1 nyied 26 hauh, 100 boux nungzminzgunggh vunz Bahmaj youq Gvangjdungh guhhong haenx naengh dangq lezceh D3843 simndei cienci daj Gvangj-couhmanz fat yiengq Baksæk, dang ngoenz banringz 17 diemj 51 faen daengz Baksækcan, Bahmaj Yinzsegiz gunghcoz yinzyenz caeuxcaeux couh youq bakdou aen can neix deq coux gyoengq guhhong gungzhoj guhdangj laebgaj haenx aen aek venj vengq baiz hauh miz “loh maranz raeujrub”, vih gyoengqde mienxcienz “gauhdez gauhsuz doxciep”, doengrat “it goengleix doeklaeng” fuzvu simraeuj, daengz haemh 8 diemj 01 faen couh swnhleih daengz Bahmaj aen Gvangjczangz Vujcouh Daciuj-

den.

Ciuq cam rox, bineix dwg Gvangjsih, Gvangjdungh song dieg yinzliz swhyenz caeuq sevei baujczangdingh haiguh aeu “cing-cinj ruzgungz yienh simgyaez gwnz loh maranz sim vunz raeuj” ma guh cawjdaez bi 2019 ndwencieng Gvangjdungh Gvangjsih ruzgungz lauzvu doxbang baenzdaug hozdung, ginggvaq Bahmaj Yinzsegiz senhconz dungyenz ngamj diuzgienh guhdangj laebgaj vunz gungzhoj bauqmingz, lij diucaz modaej caeuq nyinhcaen doiqciuq, dingh 200 boux guhdangj laebgaj vunz gungzhoj ndaej mienxcienz daezhawj biuq dungceh maranz.

(Veiz Mingzsungh/韦明崧)



▲ Hoh gungzhoj angqfwngfwng naengh ci ma daengz.



▲ Vunzlai lingx ndaej cienz riuhaha.

Lungzswng: 670 Fanh “Nienzdae Ciengj” Fat Daengz Ndaw Fwngz Vunzlai Yauzcuz

1 nyied 28 hauh, Lungzswng Gak Cuz Swciyen Lungzciz Cin Dacai Cunh dawz 670.6 fanh maenz cienz lijyouz faenhoengz fat daengz ndaw fwngz 271 hoh nungzhoh, moix hoh ndaej 2 fanh lai maenz.

Ciuq cam rox, Lungzciz Cin Dacai Cunh daj 2003 nienz hai mbanj ciep hek lijyouz gvaqdaeuq, aeu “swnghdai, lijyouz, ruzgungz” sam yiengh caemh guh lohnaemj guhhong, yinx vunzlai aeu nazmbaeklae haeujguj fuengsik caeuq dangdieg Lungzciz Lijyouz Gunghswih lienzyingz, cigciep daiqdoengh 2 fanh vunzlai vutgungz baenzfouq.

(Veiz Gizyangz/韦吉阳)



▲ Baenz dong ngaenz bwh fat.

Gvangjcouh Yiengq Ningzmingz Yen Gien 1500 Fanh Maenz Yihliuz Gigai Ruzgungz Ndangcangq

1 nyied 25 hauh, Gvangjdungh Swngj Gvangjcouh Yuisin Swnghvuz Gohgi Mizhanh Gunghswih yiengq Gvangjsih Bouxcuengh Swcigih Ningzmingz Yen giensoengq buek yihliuz gigai dij 1500 fanh maenz he.

Buek linzcangz yihyoj genjyen sezbei neix yaek yungh youq Ningzmingz Yen Yinzmingz Yihyen ngoenznaengz haiguh hong linzcangz yihyoj genjyen, aeu coicaenh Ningzmingz henzguk digih yawj bingh yw bingh suijbingz caeuq cunghab fuzvu suijbingz, roengzrengz bangcoh ruzgungz ndangcangq caeuq guhhong vutgungz gunggeng, doidoengh

cugbough saedyienh “bingh hung mbouj ok yienh” caeuq “90% bingh youq ndaw yienh gaepiyen yihyen yw” gij yihyen cunghab gajgwz muzbyauh.

(Couh Yizganh/周贻刚 Cwnz Gvei-me/陈桂梅)



▲ Giensoengq yizsi yienhciegz.

Gunghcwngz: Hawj Ranz Lwgnyez Saedcej Gungzhoj Gvaq Ndei Cieng



▲ Giensoengq doxgaiq sat le hab'ingj.

Ndwencieng yaek daengz, vihliux sawj gyoengq lwgnyez ndawranz saedcej gungzhoj haenx caennang gamjsouh daengz dangj caeuq cwngfuj caeuq sevei gak gyaiq

doiq gyoengqde gvansim soengq raeuj, 1 nyied 23 hauh, Gunghcwngz Yauzcuz Swciyen Minzcwnggiz, Bouxnyez Fuzvu Cungsim, Gveilin Si Cinghsaunenz Segungh Fuzvu Cungsim dangcjhbu caeuq gyoengq simndei gaghaengj doxcae haiguh “soengq gyaez daengz ranz raeuj doeng Gunghcwngz” ndwencieng camnai hozdung. Dangngoenz, vih 20 hoh ranz gyoengq bouxnyez saedcej gungzhoj haenx soengq bae 20

daeh haeuxsan, 20 doengj youzgw daengj doxgaiq simndei.

(Cwng Ciminj/郑智敏 Vangz Yifungh/黄玉峰)